

Բ. Իրականացված լիցենզավորման գործընթացի մասնագիտական որակավորման պահանջների վերաբերյալ

«Լիցենզավորման մասին» ՀՀ օրենքի /ընդունվել է 2001թ.-ին/ 13-րդ հոդվածով սահմանվել է, որ լիցենզավորման ենթակա այն գործունեության տեսակները, որոնց իրականացումը պահանջում է մասնագիտական գիտելիքներ, ՀՀ օրենսդրությամբ, ինչպես նաև լիցենզավորման կարգերով կարող են սահմանվել մասնագիտական որակավորման պահանջներ:

ՀՀ կառավարության 29.06.2002թ. թիվ 867-Ն որոշմամբ հաստատված Լիցենզավորման կարգի 14-րդ, 18-րդ և 20-րդ կետերով սահմանվել է մասնագիտական որակավորման վերաբերյալ դրույթները՝ մասնավորապես 14-րդ կետով նախատեսվել է, որ լիցենզավորվող անձինք պետք է ապահովեն ՀՀ օրենսդրությամբ բժշկական հաստատություններին ներկայացվող մասնագիտական ապահովվածությանը ներկայացվող պայմանները և պահանջները:

18-րդ կետով սահմանվել է, որ լիցենզավորված անձը լիցենզավորված գործունեությունը սկսելուց առնվազն հինգ աշխատանքային օր առաջ լիազոր մարմին է ներկայացնում կրթության վկայականների և ՇՄՁ հավաստագրերի պատճենները՝ համաձայն ՀՀ կառավարության 05.12.2002թ. թիվ 1936-Ն կամ 29.10.2009թ. թիվ 1275-Ն որոշումների: (30.06.16թ. N 669-Ն, ուժի մեջ է 06.01.2017թ-ից):

Համադրելով լիցենզավորող մարմնի կողմից 24.12.13-01.11.2018թթ. ընթացքում իրականացրած լիցենզավորման գործընթացը վերը նշված Լիցենզավորման կարգի դրույթների, ինչպես նաև ՀՀ օրենսդրության պահանջներին, պետք է նշել, որ լիցենզավորվող անձանց մոտ մասնագիտական որակավորման ապահովվածությանը ներկայացվող պահանջները դիտարկել և իրականացրել է ՀՀ կառավարության 29.06.2002թ. թիվ 867-Ն որոշմամբ հաստատված Լիցենզավորման կարգի 18-րդ կետով սահմանված պահանջների տեսանկյունից և լիցենզավորված անձինք լիցենզավորված գործունեությունը սկսելուց առնվազն հինգ աշխատանքային օր առաջ լիազոր մարմին են ներկայացրել կրթության վկայականների և ՇՄՁ հավաստագրերի պատճենները:

Սակայն պետք է նշել, որ ըստ Լիցենզավորման Կարգի 14-րդ կետի՝ որում ներառված դրույթները բխել են «Լիցենզավորման մասին» ՀՀ օրենքի 12-րդ, 13-րդ, 15-րդ հոդվածների, ինչպես նաև ՀՀ օրենսդրության պահանջներից լիցենզավորվող անձինք պետք է ապահովեն բժշկական հաստատություններին ներկայացվող մասնագիտական, ինչպես նաև բժշկական սարքավորումներով ապահովվածությանը ներկայացվող պարտադիր պահանջները, որոնց չապահովելը, ըստ նույն Կարգի 20-րդ կետի 5-րդ ենթակետի պահանջի՝ լիցենզիա տրամադրելու մերժման հիմք է:

Լիցենզավորման կարգով սահմանված՝ 18-րդ կետի պահանջով իրականացված լիցենզավորման գործընթացը հանգեցրել է մի իրավիճակի, որ լիցենզավորվող անձինք մասնագիտական ապահովվածությանը վերաբերող փաստաթղթերը ներկայացնում են արդեն իսկ լիցենզավորվելուց հետո /գործունեությունը սկսելուց 5 օր առաջ/, որը հնարավորություն չի ընձեռնում մինչև անձանց լիցենզիա տրամադրելը գնահատել նրանց

մասնա-գիտական ապահովվածության համապատասխանությունը սահմանված պահանջներին /Լիցենզավորման Կարգի 14-րդ կետ/:

**Ներկայացվում են միայն
կրթության վկայականների և
ՇՄՁ հավաստագրերի
պատճենները**

Դեռ ավելին, ներկայացվում են միայն կրթության վկայականների և ՇՄՁ հավաստագրերի պատճենները, արդյունքում, կարող են լինել դեպքեր, որ ներկայացված մասնագետները որևէ պարտավորություն չունենան լիցենզավորվող

անձանց հետ համատեղ աշխատանքներ իրականացնելու համար:

Նշված հանգամանքները բացառելու նպատակով անհրաժեշտ է լիցենզավորման կարգերում նախատեսել, որ կրթության վկայականների հետ ներկայացվի նաև գործունեության իրականացման համար անհրաժեշտ մասնագետների և լիցենզավորվող անձանց միջև կնքված աշխատանքային պայմանագրեր կամ համատեղ աշխատանք իրականացնելու պարտավորագրեր, որոնք լիազոր մարմնին պետք է ներկայացվի մինչև անձանց լիցենզիա տրամադրելը՝ վերջիններիս մասնագիտական ապահովվածության համապատասխանության գնահատման նպատակով:

**Շուրջ 400 լիցենզավորված
անձանցից 268-ը չեն
ներկայացրել
համապատասխան
փաստաթղթերը**

Ուսումնասիրելով 01.01.2017-01.11.2018թթ. ընթացքում լիցենզավորված անձանց կողմից գործակալություն ներկայացված մասնագիտական որակավորման փաստաթղթերի վերաբերյալ տեղեկատվությունը՝ պարզվեց, որ շուրջ 400 լիցենզավորված անձանցից նշված ժամանակշրջանում 268-ը չեն

ներկայացրել համապատասխան փաստաթղթերը /Հավելվածներ 1.1 և 1.2/:

Հաշվի առնելով, որ սահմանված փաստաթղթերը՝ ըստ լիցենզավորման կարգի 18-րդ կետի պահանջի, պետք է ներկայացվեն լիցենզավորված գործունեությունը սկսելուց առնվազն հինգ աշխատանքային օր առաջ, կարելի է փաստել, որ նշված անձինք կա՛մ գործունեությունը չեն ծավալել, կա՛մ հանրությանը ծառայություններ են մատուցել՝ ՀՀ օրենսդրությամբ սահմանված լիցենզավորման պարտադիր պահանջների և պայմանների անհամապատասխանությամբ:

Միաժամանակ պետք է նշել, որ համաձայն «Լիցենզավորման մասին» ՀՀ օրենքի 36-րդ հոդվածի 1-ին մասի 2-րդ կետի պահանջի, լիցենզիայի գործողությունը կարող է կասեցվել, եթե լիցենզավորված անձը մասնագիտական որակավորումը հաստատող փաստաթղթերի պատճենները լիցենզավորող մարմին սահմանված կարգով չի ներկայացրել: Հետևաբար, 268 լիցենզավորված անձանց կազմից, որոնք գործունեություն են ծավալել և չեն ներկայացրել մասնագիտական որակավորումը հաստատող փաստաթղթերի պատճենները ՀՀ օրենքով սահմանված կարգով, կարող էր կասեցնել վերջիններիս լիցենզիան:

Ընտրանքային կարգով դիտարկելով 01.01.2017-01.11.2018թթ. ընթացքում բժշկական օգնության և սպասարկման պետական պատվերի տեղադրման ծրագրի /ՀՀ ԱՆ 17.09.15թ. թիվ 49-Ն հրաման/ շրջանակում՝ ՀՀ առողջապահության նախարարության և բժշկական կազմակերպությունների հետ կնքված պայմանագրերի ռեեստրը, պարզվեց, որ նշված ցանկերում ներառված են կազմակերպություններ, որոնք առկա են նաև վերը նշված 268 կազմակերպությունների ցանկում:

Պետական պատվերի պայմանագրեր են կնքվել «Արինտերլս» ՍՊԸ «Ուջանի բժշկական ամբուլատորիա» ՀՈԱԿ, «Մեծամորի բժշկական կենտրոն», «Թիվ 5 պոլիկլինիկա», «Թիվ 22 պոլիկլինիկա», «Արաբկիր» բժշկական համալիր-երեխաների և դեռահասների համար, «Սևանի հոգեբուժական հիվանդանոց» ՓԲԸ և այլ կազմակերպությունների հետ /Հավելված 1.1/:

Մասնավորապես՝ «Արինտերլս» ՍՊԸ ընկերության հետ ՀՀ ԱՆ աշխատակազմը 09.02.2017թ.-ին կնքել է «Պետության կողմից երաշխավորված անվճար և արտոնյալ պայմաններով բժշկական օգնության և սպասարկման ծառայությունների մատուցման մասին» թիվ ԾՁԲ-06830000 պայմանագիրը, «Թիվ 5 պոլիկլինիկա» ՓԲԸ-ի հետ կնքել է թիվ ԾՁԲ - 01080000 պայմանագիրը, «Թիվ 22 պոլիկլինիկա» ՓԲԸ-ի հետ կնքել է թիվ ԾՁԲ-00940000 պայմանագիրը, «Սևանի հոգեբուժական հիվանդանոց» ՓԲԸ-ի հետ կնքել է թիվ ԾՁԲ-00650000 պայմանագիրը և այլն:

Հետևաբար նշված կազմակերպությունները 2017թ. և 2018թ. ընթացքում ծավալել են գործունեություն, ուստի լիազոր մարմինը վերահսկող կառույցների միջոցով կարող էր վերահսկել վերջիններիս գործունեությունը և ՀՀ օրենսդրության պահանջների հետ անհամապատասխանություններ հայտնաբերելու դեպքում սահմանված կարգով ընթացք տալ:

Հավելված 1.3-ում ընտրանքային կարգով բերված են վերը նշված կազմակերպությունների լիցենզավորված գործունեության տեսակները /սյունակ 5/, որոնց հետ պետական պատվերի տեղադրման ծրագրի շրջանակում կնքվել են պայմանագրեր:

Ընտրանքային կարգով դիտարկելով ՀՀ ԱՆ աշխատակազմի և «ԱՐԻՆՏԵՐԼԵՎ» ՍՊԸ-ի միջև 09.02.2017թ.-ին կնքված թիվ ՀՀԱՆՊԱԳ-ԾՁԲ-06830000 պայմանագիրը պարզվեց, որ պայմանագրում ներառվել են ծառայությունների այնպիսի տեսակներ, որոնց գործունեության իրականացման համար հայտատուն դիմել է լիցենզավորող մարմնին և 20.01.2017թ.-ին լիցենզավորվել է և ստացել թիվ Կ-ԲՕ-002227 լիցենզիան:

«ԱՐԻՆՏԵՐԼԵՎ» ՍՊԸ-ն, չներկայացնելով մասնագիտական որակավորման փաստաթղթեր լիցենզավորվել է և հանրությանը մատուցել համապատասխան ծառայություններ

Այսպիսով, «ԱՐԻՆՏԵՐԼԵՎ» ՍՊԸ ընկերությունը լիցենզավորվելուց հետո չի ներկայացրել մասնագիտական որակավորման փաստաթղթերը, որը համաձայն «Լիցենզավորման մասին» ՀՀ օրենքի լիցենզիայի գործողության կասեցման հիմք է, դեռ ավելին, վերջինիս հետ կնքվել է պետության կողմից երաշխավորված անվճար և արտոնյալ պայմաններով բժշկական օգնության և

սպասարկման ծառայությունների մատուցման պայմանագիր և Ընկերությունը հանրությանը մատուցել է համապատասխան ծառայություններ:

Հաշվի առնելով, որ ըստ «Լիցենզավորման մասին» ՀՀ օրենքի 5-րդ հոդվածի 4-րդ մասի պահանջի, լիցենզավորման նպատակը անձանց կյանքին, առողջությանը, պետության և հասարակության շահերին, բնության, մշակութային ժառանգության պահպանությանն առավել վտանգի սպառնալիքով հղի գործունեության տեսակներով զբաղվողների նկատմամբ հսկողության իրականացումն է, նմանատիպ խնդիրները կարող էին կանոնակարգվել լիազոր մարմնի կողմից, քանի որ իր կառուցվածքում ներառված են եղել